



Na osnovu Sporazuma o projektu plasteničke proizvodnje, zaključenog između Grada Tuzle i Organizacije Muslim Aid Association, broj: 02/11-A-19213-2021, od 28.12.2021.godine i člana 3. Pravilnika o utvrđivanju uslova, kriterija i postupka za ostvarivanje prava na dodjelu plastenika i opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2022. godini na području grada Tuzle („Službeni glasnik Grada Tuzla broj: 6/22), Grad Tuzla, putem Službe za ekonomski razvoj, poduzetništvo i poljoprivredu, objavljuje:

JAVNI POZIV
za dodjelu plastenika od 100 m², sa sistemom za navodnjavanje, dodatnom opremom i sadnim/sjemenskim materijalom

I PREDMET JAVNOG POZIVA:

Predmet ovog Javnog poziva je prikupljanje prijava za dodjelu plastenika od po 100 m² sa sadnim/sjemenskim materijalom, sistemom za navodnjavanje i dodatnom opremom.

Za dodjelu plastenika iz prethodnog stave raspoloživo je ukupno 20 plastenika, osiguranih u Projektu “Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2022. godini na području grada Tuzle, koji zajednički provode Grad Tuzla i Organizacija Muslim Aid Association, po principu sufinansiranja, u omjeru, 40% Grad Tuzla, 40% Organizacija Muslim Aid Association, a 20% je učešće odabranog korisnika.

II PRAVO UČEŠĆA:

Pravo učešća u ovom Javnom pozivu imaju socijalno ili materijalno ugrožene osobe, i mlade osobe u dobi od 18 do 35 godina, sa područja grada Tuzle, koje posjeduju vlastito poljoprivredno zemljište ili zemljište u vlasništvu članova uže porodice (roditelji, bračni drug ili djeca) ili zemljište koje im je ustupljeno na korištenje ili u zakup, a koje je u neposrednoj blizini stambenog objekta u kojem stanuju, te koje ispunjavaju sljedeće uslove:

- da su nezaposlena osoba ili osoba sa minimalnim primanjima prema kriterijumima iz člana 4. ovog Pravilnika ili mlada osoba u dobi od 18 do 35 godina, sa prebivalištem na području grada Tuzle,
- da su nosioci ili članovi poljoprivrednog gazdinstva upisanog Registar poljoprivrednih gazdinstava i Registar klijenata u Gradu Tuzli (RPG i RK), te da su izvršili ažuriranje podataka za 2022. godinu.

Napomena: Podnosioci prijava, ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od deset dana od dobijanja pisane obavijesti o dodjeli plastenika.

- da je podnosilac prijave ili član njegove uže porodice vlasnik ili posjednik poljoprivrednog zemljišta uslovnog za plasteničku proizvodnju i da se zemljište nalazi u neposrednoj blizini stambenog objekta u kojem stanuje,
- da postoji mogućnost adekvatnog navodnjavanja plastenika,
- da u trenutku prijave na ovaj Javni poziv nema više od 100 m² plastenika u svom posjedu ili posjedu člana uže porodice,
- da će sufinansirati 20% od nabavne cijene plastenika sa dodatnom opremom, što iznosi 630,00 KM, prema Sporazumu o projektu plasteničke proizvodnje, zaključenom između Grada Tuzle i Muslim Aid Association,
- da obavezno prisustvuje edukaciji iz oblasti plasteničke proizvodnje u trajanju od dva dana,
- da u posljednje tri godine nije ostvario-la pravo na donaciju u mehanizaciji i opremi za poljoprivrednu proizvodnju, od Grada Tuzle, nadležnih ministarstava, humanitarnih i drugih organizacija,
- da će dodijeljeni platenik zadržati u vlasništvu najmanje 3 godine od potpisivanja ugovora.

Na ovaj Javni poziv ne mogu se prijaviti osobe koje su dobile donaciju u mehanizaciji i opremi za poljoprivrednu proizvodnju, od Grada Tuzle, nadležnih ministarstava, humanitarnih i drugih organizacija, u posljednje tri godine, zatim osobe koje ne pripadaju nekoj od prethodno navedenih kategorija, kao ni članovi uže porodice zaposlenika Grada Tuzle i Muslim Aid Association.

III POTREBNA DOKUMENTACIJA:

Zainteresirani učesnici, uz prijavu i Upitnik za korisnike, koji se predaju na propisanom obrascu, obavezno prilažu sljedeću dokumentaciju:

1. Kopija potvrde o upisu u Registar poljoprivrednih gazdinstava i Registar klijenata (RPG i RK) izdata od nadležne gradske službe za poslove poljoprivrede.
Zainteresirani učesnici, ukoliko nisu upisani u RPG i RK, uz prijavu dostavljaju ovjerenu izjavu da će registrovati poljoprivredno gazdinstvo u RPG i RK, u roku od deset dana od dobijanja pisane obavijesti o dodjeli plastenika.
2. Ovjerena kućna lista,
3. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje Tuzla.
Za nezaposlene osobe koje nisu prijavljene na Biro za zapošljavanje Tuzla, prilaže se potvrda da se osobe ne vode u evidenciji osiguranih osoba, izdata od Porezne uprave Tuzla,
4. Potvrda škole/fakulteta za djecu/izdržavane članove domaćinstva, a za djecu predškolskog uzrasta prilaže se rodni list,
5. Uvjerenje ili drugi dokaz o visini prihoda za svakog zaposlenog člana domaćinstva sa kućne liste, za penzionere posljednji ček od penzije, a za korisnike stalne socijalne pomoći, prilaže se rješenje Centra za socijalni rad Tuzla o visini socijalne pomoći,
6. Vlasništvo ili posjed nad parcelom koja se namjerava koristiti za instaliranje plastenika (kopija ZK izvadka ili Posjedovnog lista, ili ugovor o zakupu/korištenju parcele),
7. Dokaz da je samohrani roditelj (smrtni list ili dokaz o razvodu braka ili drugi dokument kojim aplikant može dokazati da je samohrani roditelj),
8. Dokaz da je podnosilac prijave ili član uže porodice, osoba sa invaliditetom (potvrda ili drugi dokument kojim aplikant dokazuje da je osoba sa invaliditetom),
9. Ovjerena izjava da u trenutku prijave za učešće u javnom pozivu za dodjelu plastenika iz ovog Projekta, ne posjeduje više od 100 m² plastenika (lično ili član njegove uže porodice),
10. Ovjerena izjava da će korisnik dodijeljenog plastenika isti zadržati u vlasništvu najmanje 3 godine od dana potpisivanja ugovora,
11. Ovjerena izjava da prijavljeni kandidat u posljednje 3 godine nije ostvario pravo na donaciju mehanizacije ili opreme za poljoprivrednu proizvodnju, od Grada Tuzle, nadležnih ministarstava, humanitarnih i drugih organizacija,

12. Ovjerena izjava da će sufinansirati 20% od nabavne cijene plastenika sa dodatnom opremom, što iznosi 630,00 KM, prema potpisanom Sporazumu o projektu plasteničke proizvodnje, zaključenom između Grada Tuzle i Muslim Aid Association,
13. Ovjerena izjava da će obavezno prisustvovati edukaciji iz oblasti plasteničke proizvodnje u trajanju od dva dana.

Izjave iz tačke III, podtačka 2, 9.,10,11,12. i 13, podnose se na propisanom, jedinstvenom obrascu „Izjava“, koji se može preuzeti na info pultu, u Pisarnici Grada Tuzle.

IV ODABIR KORISNIKA:

Administrativnu obradu zaprimljenih prijava i odabir korisnika u skladu sa Pravilnikom o utvrđivanju uslova, kriterija i postupka za ostvarivanje prava na dodjelu plastenika i opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u plastenicima“ u 2022. godini na području grada Tuzle („Službeni glasnik Grada Tuzla broj: 6/22), provest će komisija koja se sastoji od tri člana, od kojih su dva predstavnici Grada Tuzle, a jedan je predstavnik Organizacije Muslim Aid Association.

Rang lista odabranih korisnika bit će objavljena na oglasnoj ploči Grada Tuzle i službenoj web stranici Grada Tuzle www.tuzla.ba.

Napomena: Kandidati koji ostvare pravo na dodjelu plastenika obavezni su prisustvovati edukaciji u trajanju od dva dana.

V PRIJAVA NA JAVNI POZIV:

Prijave na ovaj Javni poziv, zajedno sa potrebnom dokumentacijom, predaju se u zatvorenoj koverti, u Pisarnicu Grada Tuzle ili putem pošte, na adresu:

**GRAD TUZLA – Služba za ekonomski razvoj, poduzetništvo i poljoprivredu
Ul. ZAVNOBiH-a br. 11, 75000 Tuzla,**

**Sa naznakom: „Prijava na Javni poziv za dodjelu plastenika od 100 m², sa sistemom za navodnjavanje, dodatnom opremom i sadnim/sjemenskim materijalom
- Ne otvarati – „**

Prijavni obrazac i obrazac „Izjava“, mogu se preuzeti na info pultu, u Pisarnici Grada Tuzle.

Rok za predaju prijava je 15 dana od dana objave ovog Javnog poziva na službenoj web stranici Grada Tuzle www.Tuzla.ba, te na oglasnoj ploči Grada Tuzle, a **zaključno sa 15.07.2022. godine.**

Sve dodatne informacije mogu se dobiti u Službi za ekonomski razvoj, poduzetništvo i poljoprivredu putem telefona broj: 035/307 386, svakim radnim danom od 08:00 - 16:00 sati.

Nepotpune i neblagovremene prijave se neće uzeti u razmatranje.

**SLUŽBA ZA EKONOMSKI RAZVOJ,
PODUZETNIŠTVO I POLJOPRIVREDU**